



Sakspapir

Sakshandsamar	Arkiv	ArkivsakID
Dagrun Gunnarson	FE-014	19/84

Saksnr	Utval	Type	Dato
086/19	Formannskapet	PS	03.09.2019
	Kommunestyret	PS	

Revisjon av godtgjering for valarbeid

Avlønning av røystemottakarar/valmedarbeidarar

Saksutgreiing:

Oppsummering: Det er behov for å gjere eit vedtak for å klargjere kva godtgjering ein får for valarbeid i Fedje kommune.

Bakgrunn

Godtgjering for valmedarbeidarane har stått stille frå 2001 til 2015. Tidlegare vart vala gjennomførte av politikarar/listekandidatar og dei tilsette på kommunehuset. Etter ei forskriftsendring i 2011, kan ikkje listekandidatar lenger ta i mot røystegjevingar. Det innebar eit behov for fleire andre frivillige og fleire av dei tilsette på kommunehuset i valarbeidet.

Tidlegare vart det betalt slik:

- 150 kr pr time for valarbeid for dei frivillige.
- Tilsette på kommunehuset som var røystemottakarar, leverte valmateriell osv. heldt på si vanlege lønn. Dei tok vanlegvis ut ekstra arbeidstimar i avspasering.
- Formannskapet er valstyre, og dei har fått møtegodtgjersle for opplæring og valdagen. Dei har også ei fast godtgjersle i botn.
- Valansvarleg i kommunen fekk ei kronepåskjønning på til saman kroner 6000 (vart vanlegvis fordelt på 2 eller 3 tilsette)

Det har ikkje vore gjeve noko ekstra for å vere leiar av valstyre eller røystestyre, eller ansvarleg i vallokalet på valdagen.

I 2017 vart utbetalinga gjort annleis. Det har ikkje vore mogleg å finne vedtak om dette.

- Dei frivillige (røystestyre og andre) fekk møtegodtgjersle på kr 500 pr oppmøte
- Dei som var pensjonistar, fekk pensjonistlønn pr time oppmøte – ca kr 190/time (slik at inntekta ikkje gjev negative følgjer for pensjonen)
- Valansvarlege i kommunen fekk ei kronepåskjønning på til saman kroner 8000 (fordelt på 2)
- For valstyret og dei tilsette på kommunehuset vart det gjort som tidlegare.

Kommunane har svært ulik praksis på betaling av valarbeid. I Nordhordland betalar alle meir enn Fedje, utanom Modalen. Men det som skil Fedje frå dei andre kommunane, er at me opererer med fleire skift i vallokalet på valdagen. I dei andre kommunane er vanleg at eit røystestyre på 3-5 personar har eit røystelokale heile dagen, frå oppsett om morgonen til førebels oppteljing etter kl 20.



Fedje kommune

På Fedje har ein vanlegvis eit skift på 4 timar på dagtid, for så å møte til oppteljing om kvelden.

Vurdering

Det er svært viktig at me har nok dyktige og erfarne folk til valavviklinga. Dei frivillige valmedarbeidarane på valdagen gjer det gjerne fordi dei er genuint opptatt av politikk og demokrati, og spør sjeldan kva dei får betalt.

Dei frivillige valmedarbeidarane: Her kan ein velje å gje ein timepris eller møtegodtgjersle slik andre faste utval i Fedje kommune har – 500 kr. Det er vanskeleg å argumentere for kva for timelønn ein skal nytte – er arbeidet tilsvarande ein assistent utan erfaring, eller ein høgskuleutdanna med erfaring? Framlegg til vedtak er difor møtegodtgjersle på kr 500 pr oppmøte. For opplæring og valdagen til saman vil då ein frivillig få 1000 kroner eller 1500 kr brutto, avhengig av om dei er med på oppteljinga eller ikkje.

Det bør også verte gjeve ekstra godtgjering til leiar av røystestyret (som bl.a. leier oppteljinga om kvelden). Dei har meir jobb, meir ansvar og mykje meir å sette seg inn i før valdagen enn dei andre. I tillegg er det vanskelegare å rekruttere leiar av røystestyret. Leiar av røystestyret bør difor få dobbel møtegodtgjersle. For opplæring og valdagen til saman vil då leiar i røystestyret få 2-3000 kroner, avhengig av talet på oppmøte.

Om valansvarleg skal halde fram med ei ekstra kronepåskjønning, vert opp til kommunestyret å vurdere. Det er mykje arbeid og ansvar, og påskjønninga gjer det mogleg å gje dette ansvaret og oppgåva til tilsette som ikkje vanlegvis har leiaransvar.

Folkehelse – ikkje aktuelt

Miljø – ikkje aktuelt

Økonomi – vil truleg ikkje innebære store endringar i utbetaling i forhold til tidlegare år, og er difor innafor budsjett.

Konklusjon

Godtgjering for valmedarbeidarar bør følgje anna møtegodtgjering i kommunen.

Forslag til vedtak:

Valmedarbeidarane sitt arbeid vert godtgjort slik i Fedje kommune:

Valmedarbeidarane får godtgjersle pr oppmøte lik møtegodtgjersle til faste, politiske utval (pr i dag kr 500). Leiar røystestyre får dobbel møtegodtgjersle.

Dei som gjer valarbeidet som ein del av sitt ordinære arbeid held på si vanlege lønn.

Formannskapet er valstyre, og føl sine ordinære ordningar for godtgjersle.

Valansvarlege i kommunen får ei kronepåskjønning på til saman kroner 8000.

Formannskapet - 086/19

F - behandling:

F - vedtak:



Fedje kommune

Valmedarbeidarane sitt arbeid vert godtgjort slik i Fedje kommune:

Valmedarbeidarane får godtgjersle pr oppmøte lik møtegodtgjersle til faste, politiske utval (pr i dag kr 500). Leiar røystestyre får dobbel møtegodtgjersle.

Dei som gjer valarbeidet som ein del av sitt ordinære arbeid held på si vanlege lønn.

Formannskapet er valstyre, og følg sine ordinære ordningar for godtgjersle.

Valansvarlege i kommunen får ei kronepåskjønning på til saman kroner 8000.

Samrøystes vedteke.